

ունեի ճանապարհորդել մի մեծ քարալանի հետ: Նա պետք է դուրս գար երեկոյեան պահուն. ցերեկոյայ տօթի պատճառով որոշել էին գնալ գիշերով:

Վարպետ Փանոսը, նրա մայրը, կինը, երեխաները հաւաքուել էին բալում մեզ ճանապարհի դնելու: Ծառաները, աղախիկները եւ գործարանի աշակերտները, խումբով կանգնած, հեռոց նայում էին: Բոլորի դեմքի վրայ երեւում էր մի տեսակ տխրութիւն, կարծես Ասլանը այդ տան սիրելի անդամներից մէկը լինէր, որ գնում էր հեռու, շատ հեռու, եւ գուցէ միւս անգամ չէին տեսնի նրան: Նա ցած իջաւ սանդուղքներից, մօտեցաւ վարպետի մօրը, կնոջը, սեղմեց նրանց ձեռքը, գրկեց նրա երեխաներին եւ, բոլորին մնաք բարով ասելով, դուրս եկանք: Փողոցում սպասում էին մեզ երկու ձիաներ՝ փաշայի ընծայած ձին Ասլանի համար եւ մի բաւական լաւ ձի ինձ համար, որ բերել էին քարալանից: Ասլանը համբուրոցաւ վարպետ Փանոսի հետ եւ կրկին անգամ սեղմեց նրա ձեռքը: Ես նկատեցի վարպետի աչքերում արտասուքի կաթիլներ: Նստեցինք ձիաները: Բակում հաւաքուած բազմութիւնը այժմ խմբուած էր բակի դռանը:

– Մնաք բարեա՛ւ, բարեկամներ, – ասաց Ասլանը:

– Բարի ճանապարհի եւ յաջողութիւն՝ – ասաց վարպետ Փանոսը:

– Բարի ճանապարհի, – կրկնեցին նրա մայրը, կինը եւ փոքրիկ երեխաները:

Մենք մեծ շնորհակալութեամբ թողեցինք այն տունը, որտեղ վայելել էինք այնքան հիւրասիրութիւն, այնքան յարգանք եւ այնքան անկեղծ բարեկամական սեր:

Արեւի երեկոյեան ճառագայթները դեռ շողշողում էին միւսարեթների բարձր կիսալուսինների վրայ, դեռ մօլլան «ազանէ չէր տոնել, երբ քարալանը ճանապարհի ընկաւ քաղաքի պարիսպների մօտ գտնուած «չայիր» կոչուած մարգադաշտից, ուր բանակ էր դրել նա, մինչեւ կը հաւաքուէին բոլոր ճանապարհորդները:

Այստեղ մենք վերջին անգամ հանդիպեցինք մուսուլցի թումաշի վաճառական խօջայ Թորոսին, որ, մի կողմում կանգնած, խօսում էր քարալանի պետի հետ: Տեսնելով մեզ, նա մօտեցաւ:

– Բարո՛ւ՛, պարոն բժշկապետ, դուք արդէն գնո՞ւմ էք, – հարցրեց նա, ձեռք տալով

– Գնում եմ, խօջայ Թորոս, – պատասխանեց Ասլանը: – Դուք այստեղ ի՞նչ էք շինում: